

Dermatosi Nodular Kutsakorren arriskuan

EBn 15/01/30

Dermatosi Nodular Kutsakorra (DNC edo LSD-Lumpy skin disease, ingelesez) ganaduaren gaixotasun birikoa da, galera larriak eragiten dituena, batez ere animalia gazteen artean. DNCa endemikoa da Afrikako eta Asiako herrialde askotan, eta laster hedatzen ari da Ekialde Ertain osoan (Turkia barne).

DNCa bektore mekanikoen bidez transmititzen da, baina zuzeneko eta zeharkako transmisioa ere gertatzen da. Gaixotasuna, nagusiki, animalia infektatuak garraiatzean eta bektoreen bidez hedatzen da infektiorik gabeko eremuetara.

Bada, gaixotasuna Europara sartzeko arriskua baloratzeko, EFSAk azterlan bat eskatu zion Animalien Osasunari eta Ongizateari buruzko Adituen Taldeari (AHAW), gaixotasunaren egoera orokorrari buruzkoa eta ezagutza eta teknika berrienak aintzat hartuko zituen.

Aditu taldearen arabera:

- Aukerak daude gaixotasuna EBn transmititzeko, animalien legez kanpoko garraioaren bidez. • Arriskua, nagusiki, jatorrizko herrialdeko prebalentziaren eta legez kanpo lekualdatutako animalien kopuruaren arabera da.
- Egindako simulazioen arabera, zantzu kliniko orokorrak dituzten animaliak hiltzea nahikoa izango litzateke jatorriaren inguruko epidemien % 90i eusteko; baina epidemien gainerako % 10 jatorrizko fokutik 400 kilometrora heda daiteke, lehenengo sei hilabeteetan.
- Infektatutako abeletxeetan artalde osoa hiltzeak nabarmen murrizten du DNCaren birusaren hedadura, eta zenbat eta lasterrago atzeman kutsatutako abeletxeak eta zenbat eta lasterrago hil animaliak, orduan eta handiagoa da murrizketaren magnitudea.
- DNCaren aurkako txerto bizi estutuak besterik ez daude.
- Zaintza aktiboa, atzemaite lasterra eta infektatutako artaldeak laster hiltzea dira DNCa kontrolatzeko neurri eraginkorrak.
- Gehiago ikertu behar da bektoreek DNCaren transmisioan duten eragina.
- Komeni da sentsibilizazio-kanpainak egitea, abeltzainei eta albaitariei begira, gaixotasuna ezagutzea sustatzeko.
- EBren eta herrialde mugakideen arteko lankidetzak sustatu behar da, gaixotasunak mugez gaindi hedatzea eragozteko.

[Zientzia-txostena: DNC](#)

Hausnarkari Txikien Izurria EBn 15/01/21

Hausnarkari Txikien Izurria ahuntzen eta ardien gaixotasun birikoa da, eta honako ezaugarri hauek ditu: sukarra, zauriak ahoan, beherakoa, pneumonia eta, batzuetan, heriotza. **Afrikan, Arabiako Penintsulan, Ekialde Ertainean, Asiako hego-mendebalean eta Indian dago.** Txinak 2007an jakinarazi zuen lehenengo kasua, eta Ipar Afrikan Marokon erregistratu da lehenengo, 2008an.

Gaixotasuna European sartzeko arriskua baloratzeko, EFSAk azterlan bat eskatu zion Animalien Osasunari eta Ongizateari buruzko Adituen Panelari (AHAW), gaixotasunaren egoera orokorrari buruz, ezagutza eta teknika berrienak aintzat hartuta.

Azterlan horren ondorioen artean honako hauek daude:

1. **Gaixotasun biral ez zoonotikoa** da, larria eta hausnarkari txikien artekoa. Paramyxoviridae familiako morbilivirus batek eragiten du, eta lotuta dago Behien Izurritearekin, elgorriarekin eta Txakurren Mukieriarekin.
2. **Oso zabalduta dago Afrikan, Ekialde Ertainean eta Asiako hegoaldean.** Eskualde horietan txirotasuna arintzeko, kontrolatzea garrantzitsutzat jotzen den animalia-gaixotasunetako bat da.
3. Birusak gaixotasun larria eragiten du, akutua denean: sukarra, arnasa-sistemak, mukosen kongestioa eta nekrosia, beherakoa, abortua eta immunosupresioa eragiten ditu. **Heriotza-tasa % 10tik eta % 90era bitartekoa izan daiteke.**
4. Nagusiki, **transmisioa infektatutako animalien eta euren jario freskoen edo gorozkien kontaktuaren bidez gertatzen da.** Ahuntzak minberagoak omen dira, ardiak baino, eta horietan birusa atzeman gabe ibil daiteke denbora-tarte batean.
5. **Hausnarkari txikien merkataritza-mugimendua (legezkoa edo legez kanpoko) da gaixotasuna mugez haraindi hedatzeko aukera gehien dituen kausa.** Izan ere, Afrikako ekialdearen eta Arabiako penintsularen artean sortzen da. Bertan, tokiko kulturetako erlijio-jaien kariatara egiten diren bat-bateko ganadu-mugimenduek eragin kaltegarria izan dezakete gaixotasuna mugatzeko lanetan.
6. **EBn, arrisku-iturri handiena infektatutako animalien legez kanpoko garraioa da.**
7. **Ez dago aukera handirik EBn Hausnarkari Txikien Izurritea endemiko bihurtzeko,** aintzat hartuta EBko egungo politikaren berezko kontrol-neurriak, nahiz eta gaixotasuna endemikoa den EBren herrialde mugakide edo hurreko batzuetan.
8. **Txerto bizi arinduak erabilgarri daude,** gaixotasunari aurre egiteko.
9. **Txerto inaktibatuak ez daude erabilgarri,** eta gaixotasunari ematen zaion erantzun immunologikoa dela eta, ez litzateke erabat eraginkorra izango.
10. Hausnarkari Txikien Izurritearen epidemiatik Marokon ikasitako lezioek erakusten dute **gaixotasuna nazio-mailan ezarritako txertatze masiboko kanpainen bidez kontrola daitekeela,** betiere behar besteko bitartekoak badaude eta egoki aplikatzen badira.

Informazio gehiago:

[Zientzia-txostena, Hausnarkari Txikien Izurriteari buruz](#) - EFSA

[Laburpen-fitxa: Hausnarkari Txikien Izurritea](#) - ELIKA

Hegazti Gripearen foku berriak European **15/01/16**

Joan den 2015eko urtarrilaren 7an, Alemaniako agintariak **Patogenizitate Handiko [Hegazti Gripearen](#) (PHHG) foku berri bat egiaztatu zuten, H5N8 azpi-motakoa,** Rostock udalerriko **zoo batean.** Zehazki, hainbat espezieetako 495 hegaztiren bilduma zegoen barruti horretan.

Hartutako neurrien artean, **berrogeialdian** jarri da zooa eta **57 animalia hil dituzte**. Beste alde batetik, Alemaniako agintariak zooetarako 2005/94 Zuzentarauan xedatutako salbuespenei helduko diete. Horrek, hain zuzen ere, arriskuan dauden zenbait espezie hiltzea saihestuko du, betiere gune estaliren batera eramaten badira bertan isolatuta egoteko, zaintzapean egoten badira eta aldizkako laginketak egiten bazaizkie. Hala, une oro saihestuko da lekuz aldatzea.

Orain arte, **H5N8 azpi-motako 11 PHHG foku** jakinarazi dira European:

- 4 foku Alemanian
- 1 Erresuma Batuan
- 1 Italian
- 5 foku Holandan

Gainera, birusa basoko hegaztietan atzeman da, hala Holandan nola Alemanian.

Gaur egun, **PHHGren H5N8 birusa munduan barrena hedatuta dago**; izan ere, duela gutxi atzeman dute Estatu Batuetan eta 2014aren hasieratik Hego Koreako ustategietan eta Japongo basoko hegaztien artean.

Hemen aurki daitezke Espainian birusa sartzea ekiditeko gomendatutako **biosegurtasun-neurriak**:

1. Oinetakoak aldatzea ekoizpen-hegaztiak dauden nabeetara sartzean.
2. Derrigor erabiltzea apatzak garbitzeko putzuak ustategiaren sarreran eta nabe bakoitzean, maiztasunez berrituko den soluzio desinfektatzailea eta guzti.
3. Ez sartzea kanpoan egon den inolako material edo tresnarik; besteak beste, ohantzeak, lastoa edo beste edozein material.
4. Zuloak itxita uztea eta edateko ura higienizatzea. Lurrazaleko ura ez erabiltzea.

HGri buruzko informazio gehiago nahi izanez gero:

- [HGren zaintza-programa Espainian 2015](#) - MAGRAMA
- [HGri buruzko informazioa](#) - EE
- [HGren gaixotasunari buruzko fitxa](#) - ELIKA

TRACES sistemaren ikuskaritza Espainian **15/01/08**

Europako Batzordearen Albaitaritza eta Elikadura Bulegoko (FVO) ikuskatzaile-ekipo batek Espainia bisitatu zuen 2014ko ekainean, agintari eskudunek TRACES sistema egoki erabiltzen zuten ebaluatzeko.

TRACES informatika-sistema integrala da, Europako Batzordearen Osasuna eta Kontsumoa Zuzendaritza Orokorrak kudeatutakoa, eta animalien eta animalia-jatorriko produktuen inportazioa, mugimenduak, esportazioak eta erkidego barneko merkataritza jakinarazteko, ziurtatzeko eta kontrolatzeko balio du.

Mundu osoko operatzaile ekonomikoek (sektore pribatua) eta agintari eskudunek erabil dezakete

sare hori. Webaren bidez erabiltzen da, denbora errealean atzera eta aurrera begira aztertzeko animalien eta animalia-jatorriko produktuen mugimenduak.

Honako hauek dira FVOren txostenaren ondorio nagusiak:

- Espainiak agintari eskudunak izendatu ditu TRACES erabiltzeko, animalia-jatorria zein bestelako jatorria duten produktuekin eta animalia bizekin. Mugako Ikuskaritza Postuek (MIP) egoki darabilte, batez ere agintari zentralen erantzukizunaren mende daudelako.
- Alabaina, agintari eskudunek autonomia-erkidegoetako animalia-osasuna kontrolatzeko besterik ez darabilte TRACES. Autonomia-erkidegoetako Osasun Publikoko agintari eskudunek sistema ez erabiltzeak eragotzi egiten dubeste estatu kide batzuekin informazioa trukatzeari, hil edo berriz inportatu behar diren animaliei dagokienez.
- Oro har, MIPetako eta Tokiko Albaitaritza Unitateetako (TAU) langileek esperientzia dute TRACES sistemarekin: Osasun Publikoko eskualde-mailako agintari eskudunak dira salbuespena, ez baitute sistema erabili; izan ere, ez dute sarbiderik, eta, gainera, ez dute prestakuntzarik jaso. Beraz, Espainiak ez ditu betetzen TRACES erabiltzeko gutxieneko betekizunak hiltegieta eta animalia-jatorriko berrinportazioetarako kontrol ofizialak erregistratzeko.
- Oro har, animalia biziak inportatzeari eta Espainiatik kanpo doazen animali biziak Batasunaren barnean mugitzea dagokionez, TRACES egoki erabiltzen da. Zenbait bidalketa zehatzen jarraipenean atzemandako gabeziek (animalia-jatorriko azpi-produktuak Batasunaren barneko merkataritzarako, berrinportazioak, suntsitzeko produktu-bidalketak, hiltegieta bidalitako animaliak) erakusten dute agintari eskudunen arteko komunikazioa ahula dela eta bidalketen trazabilitatea ez dagoela bermatuta, kontrolak ez direlako TRACESen erregistratzen.
- MIPetan sistema bat dagoezarrita, TRACESen erabilera egokia egiaztatzeko balio duena. Alabaina, datuak erregistratzeko betekizunak, oraindik orain, ez dira kontrolatzen eta betetzen. Ez dago sistema ezarriarik, autonomia-erkidegoetako animalia-osasuneko agintari eskudunek TRACES egoki darabilte egiaztatzeko, merkataritza-agiriaren kontrolari dagokionez, eta TAUk ere ez du tokiko merkataritzako osasun-ziurtagiriak kontrolatzeko sistemarik. Beraz, gabeziak ez dira denboraz atzematen eta zuzentzen.

[FVOren txostena](#)

2014ko (IAAP-H5N8) hegazti-gripearen eta 2005eko (IAAP-H5N1)en arteko konparazioa 14/12/23

Gaixotasunen Prebentziorako eta Kontrolerako Europako Zentroak (ECDC) argitaratutako artikulua batean deskribatu egiten dira A H5N1 motako Patogenotasun Handiko Hegazti-gripearen (IAAP) eta A H5N8 motakoa European sartzeko moduen arteko berdintasunak eta ezberdintasunak.

2005eko udazkenean, Errumania eta Kroazia izan ziren basoko eta eskortako hegaztien artean A (H5N1) gripearen presentzia jakinarazi zuten Europako lehenengo herrialdeak. 2006ko otsailetik aurrera, azkar hedatu zen Europa erdialde osoan. IAAP (H5N1) 2010ean desagertu zenean,

Europako 21 herrialdetako basoko eta eskortako hegaztien artean atzemana zen.

Europan sartu aurretik, IAAP (H5N1) zabal zebilen eskortako hegaztien eta basoko hegaztien artean, Asian. IAAP (H5N1) Asiako ekialdetik Europara Asia erdialdean zehar hedatzeko arrazoen artean, honako hauekin lotutako zenbait jardueraren nahaste konplexua dago: eskortako hegaztien ekoizpena, hegaztien legez kanpoko garraioa, basoko hegaztiekin zeharka eragindako infekzioak eta migrazio-hegaztien dispersioa. Gaur egun, ez dago azalpen zehatz eta koherenterik, Europako hegazti-ustiategietako infekzio-bideei buruz.

IAAP (H5N1) Europa erdialdean bat-batean agertu zenean, 2006an, Errusia mendebaleko hotz-boladekin lotu zen; izan ere, ustez, infektatutako hainbat baso-hegazti mendebalerago bultzatu zituen.

Beste alde batetik, 2014ko azaroaren hasieratik berriz agertu da IAAP A (H5N8) delakoa, Europako lau herrialdetako (Alemania, Holanda, Erresuma Batua eta Italia) eskortako hegaztien artean.

IAAP (H5N8)ri dagokionez, Europen ukitutako ustiategiak barnekoak dira, biosegurtasun ona dutenak, nahiz eta basoko eta eskortako hegaztien arteko zeharkako kontaktua gerta daitekeen, basoko hegazti infektatuek kutsatutako edozein materialen bidez; esate baterako, gorozkien bidez. Hainbat ustiategitan, eremuaren sarreratik hurbilen zeuden unitateak izan ziren agerraldiak kaltetutako lehenengoak, eta horrek iradoki dezake birusa (H5N8) instalaziotik hurbileko iturri baten bidez sartu dela.

[Artikulua](#)

INFOGRAFIA: animalien ongizatearena abere-ustiategietan 14/12/22

ELIKAk beste infografia bat egin du eta bertan, oso modu grafikoan kontsultatu ahal izango duzu, **animalien ongizateari dagokionez, abeltzaintza-ustiategietan zein lege-betekizun bete behar den.**

Animalien ongizatearen arloan, Europako legediak xedatzen du giza kontsumorako elikagaietarako animalia espezie bakoitzari hazkuntza-baldintza batzuk ezarri behar zaizkiola. Halaber, azken urteotan araudi berriak jarri dira indarrean hainbat espezierentzat (besteak beste, txerriak eta hegaztiak), batik bat instalazioei eta hazkuntza-baldintzei dagokienez.

Aldi berean, araudi horrek xedatzen du **oilaskoen eta txerrien zaintzaileek arloko prestakuntza jaso behar dutela, gutxienez 20 orduz.** Lanabes hori prestakuntza-ekintzetarako lagungarri izan daiteke.

[INFOGRAFIA](#)

Esne-behien ustiategi txikien ongizatea aztertzen du EFSAk 14/12/15

[Galdeketa](#) Europar Batzordeak (EB) EFSAri egindako eskaeraren ondorioz sortu da; zehazki, **esne-behien ustiategi txikien definizioa eta kategorizazioa berrikusteko eskatu dio**, ustiategi txikietako esne-behien ongizateari buruzko zientzia-irizpen bat egin eta argitaratzeko. 2015ean argitaratuko da.

Orain arte, horri buruz egindako lana [EFSaren AHAW Panelaren agiri bat](#) da, besteak beste, hauek jasotzen dituenak:

1. Lan-taldeko kideek EBren eskaeraz egindako interpretazioa;
2. Europako behi-biztanleriaren ikuspegi orokorra;
3. Herrialdeetako esne-behien ustiategien egitura eta tamaina.
4. **"Ustiategi txikia"** edo "eskala txikiko abeletxea" definitzen duten kontzeptuak: **75 behiko tamaina**; zenbait **artzaintza-sistema**; **langileen % 80 baino gehiago familiakoa** izatea; **tokiko arrazak**; **ziurtatze-sistema** (ekoizpen ekologikoa, Jatorri Izendapen Babestua, Adierazpen Geografiko Babestua, Espezialitate Tradizional Bermatua).

Taldeek zein norbanakoek parte har dezakete. Proposamenak igortzeko epea **2015eko urtarrilaren 30ean amaituko da**.

[Galdeketa](#)

[Gaiari buruzko informazio gehiago](#) - EFSA

Gaixotasun emergenteak Europan 14/12/01

Gaixotasunen Prebentziorako eta Kontrolerako Europako Zentroak (ECDC) txosten bat argitaratu du, Europan 2009-2012 epean hainbat gaixotasun emergenteren eta bektoreen bidez transmititutako gaixotasunen egoera epidemiologikoari buruz.

Zenbait datu garrantzitsu:

1. **Q Sukarra - Espainian**, kasuen kopuruak **behera egin du 2008az geroztik**:

Q Sukarra Espainian

2008	2009	2010	2011	2012
119	34	39	33	58

2. **Akainek transmititutako entzefalitisa** - Gizakien arteko kasuen kopuruak **ia % 400 egin du gora eremu endemikoetan, azken 30 urteotan**. Arrisku-eremuak hedatu egin dira eta foku gehiago atzeman dira.

3. **Malaria** - Jakinarazitako malaria-kasuen kopurua **egonkor mantendu egin da azken urteotan**

Europar. Urtean kasu bat atzematen da 100.000 biztanleko.

Datu horiek **EBko estatu kideei igorri zaizkie, eta herrialdeetako Zaintza Epidemiologikoko sistemei dagozkie.** Guztira, garrantzi epidemiologikoa duten **52 gaixotasun transmitigarri** biltzen dituzte. Gaixotasunen artean honako hauek aipa daitezke: Malaria, Izurria, Q Sukarra, Nafarreria, akainek transmititutako Entzefalitisa, Sukar Hemorragiko Biral, Dengearen Sukarra, Ebolaren eta Marbhurgen Sukarra, Rift Haraneko Sukarra, Niloko Mendebaleko Sukarra eta Sukar Horia.

Q SUKARRA

1. **2012an, gizakien** arteko kasuen kopuruak **% 17 egin zuen behera**, 2011. urtearekin alderatuz gero. Beherakada horrek aurreko urteetako joerari eutsi zion.
2. 2012. urtean jakinarazitako kasu guztien % 65 Frantzia, Herbehereetan eta Alemanian jakinarazi ziren.
3. **Animaliei dagokienez**, 22 estatu kideren txostenek adierazten dute ***Coxiella burnetii* bakterioa oso hedatuta dagoela EBn.**
4. Kaltetutako animalia gehienak **behiak, ardiak eta ahuntzak** izan ziren.

[Taula: Q Sukarraren kasuak \(2008-2012\)](#)

AKAINEK TRANSMITITUTAKO ENTZEFALITISA

Akainek transmititutako entzefalitisa osasun publikoko arazo bihurtu da Europar, eta **derrigor jakinarazi beharreko gaixotasuna da EBn 2012az geroztik.** Hortaz, 2012ko datuak ECDCk egindako inkesta bateko datuekin erkatzen dira.

1. Adinaren eta sexuaren arabera banaketak garbi uzten du **batez ere 45 uretik gorako gizonak kutsatzen direla.**
2. Datuek nabarmen uzten dute gaixotasuna urtaroen arabera dela, eta **udako hiletan atzematen dira kasu gehien.**
3. Batez ere ***Ixodes ricinus*** espezieko akainek transmititzen dute gaixotasuna, eta **oso hedatuta dago Europar.** Nahiz eta Entzefalitisak kutsatutako akainak zenbait arrisku-eremutan eta arrisku-eremu horien barruan baino ez egon, oso akain gutxi dira birusaren eramaileak (% 0,1-5)
4. Honako hauek dira gaixotasun hori izateko arrisku handiena duten herrialdeak: **Austria, Txekiar Errepublik, Estonia, Finlandia, Alemania, Hungaria, Letonia, Lituania, Polonia, Eslovakia, Eslovenia eta Suedia.**

[Taula: akainek transmititutako sukarraren kasuak \(2008-2012\)](#)

Lotura honetan aurki daiteke txosten osoa: [Txostena](#)

Ireki da Era-net ANIHWaren ikerketa-proiektuetarako 3. deialdia 14/11/24

Era-net ANIHWaren partzuergoak iragarri du **animalien osasun- eta ongizate-arloan ikertzeko proiektuen hirugarren deialdi** transnazonala abiaraziko dela.

2014ko azaroaren 17an ireki zen aurre-proposamenak aurkezteko epea eta 2015eko otsailaren 12an itxiko da. 16 herrialdetako 20 erakundek hartu dute parte finantzaketan, 10 milioi euroko aurrekontu osoarekin.

Hona hemen aukeratu diren gaiak (topics):

1. Gaixotasunen kontrola eta zaintza. Nagusiki, honako alderdi hauek kontuan hartuta: zaintza aktiboa, gaixotasunen dinamikaren modelizazioa, bektoreen bidez transmititutako gaixotasunak, txertatzea eta basoko bizitzako gordailu gisa duten eginkizuna.
2. Gaixotasunak animalien ekoizpenean. Nagusiki, honako alderdi hauek kontuan hartuta: infekzioen dinamika ganadu-ustategietan eta mikrobio eta parasitoen aurkako tratamenduak.
3. Animalien ongizatea. Nagusiki, honako alderdi hauek kontuan hartuta: datu-baseak eta erregistro automatikoko sistemak eta ikerketak esnetarako ganaduan, txerrietan, gizentzeko oilaskoetan, oilo erruleetan eta arrainetan.

Hona hemen hiru (3) gaietan sartutako animalia-espezieak: behiak, txerriak, eskortako hegaztiak, ardiak, ahuntzak, zaldiak, arrainak, erleak eta beste espezie txiki batzuk; besteak beste, untxiak.

[Informazio gehiago](#)

Oso Patogenoa den Hegazti-gripearen agerraldia EBn 14/11/19

2014ko azaroaren 6an, agintari alemanek aditzera eman zuten A birusaren (H5N8) Oso Patogenoa den [Hegazti-gripearen](#) (IAAP) agerraldia gertatu zela indioilarren hegazti-ustategi batean.

Geroago, 2014ko azaroaren 16an, H5N8 azpi-motako IAAP atzeman zen Holandan, oilo erruleen haztegi batean. Ondoren, egun horretan bertan, H5 azpi-motako IAAPren agerraldia berretsi zuten ahateak hazteko Ingalaterrako (Erresuma Batua) ustategi batean.

Kaltetutako hiru estatu kideek berehala hartu dituzte neurriak, hegazti-gripearen kontrolatzeari buruzko EBren legeriarekin bat etorritik. Hauek dira neurri nagusiak:

- Kutsatutako ustategian zeuden hegaztiak hil eta modu seguruan desagerraraztea, eta ondoren ustategia garbitu eta desinfektatzea.
- Erekuak (babestu eta zaintzeko erekuak) ezartzea fokuen inguruan. Ereku horietan, eskortako hegazti eta hegazti-produktu guztien mugimendua mugatua da.

- Ikerketa epidemiologikoak egitea birusaren iturri posiblea identifikatzeko.

Lehen aldia da H5N8 birusa Europan atzeman dena.

Dena den, birus hori lehenago atzeman da Asiako hego-ekialdeko basa-hegaztietan, eta zenbait agerraldi eragin ditu Hego Koreako eta Txinako hegazti-haztegietan. Birus horrek basa-hegaztiak subklinikoki (sintomarik erakutsi gabe) kutsatzeko gaitasuna du, eta horrek areagotu egiten du agerraldiak sortzeko arriskua, Hego Korean ikusi den bezala.

Oraindik ez dago argi birusa nola sartu den Europako hegazti-ustiategietan.

Beste alde batetik, Gaixotasunen Prebentziorako eta Kontrolerako Europako Zentroak (ECDC) uste du osasun publikorako arriskua oso txikia dela, orain arte munduan ez delako giza infekziorik agertu birusaren andui horrekin. Arriskuan egongo lirateke, nagusiki, hegazti gaixo edo hilekin harreman zuzena duten pertsonak, esaterako, nekazariak, al baitariak eta hilketan aritu diren langileak.

Era berean, Elikagaien Segurtasuneko Britainiako Agentziak (FSA) ohartarazi du hegazti-gripea elikagaien bidez hartzeko arriskua txikia dela. Hegazti-gripearen andui batzuk gizakiei transmititu ahal zaizkie, baina oro har, oso kontaktu estua behar da bizirik dauden hegazti kutsatuen eta gizakien artean. Segurua da eskortako hegaztiak eta behar bezala prestatutako hegazti-produktuak jatea, arrautzak barne.

Informazio gehiago:

[Europako Batzordearen oharra](#)

[Hegazti-gripeari buruzko informazioa - EE](#)

[EBn 2014an eginiko azterketak](#)

[ECDCren oharra](#)

[IAPPren fitxa Erresuma Batuan - OIE](#)

[FSAREN prentsa-oharra](#)

[Hegazti-gripeari buruzko fitxa - ELIKA](#)